

五
研
齋
詩
鈔

五研齋詩鈔卷三

仁和 沈亦然 韞山

鴻爪集

九日都門黑窰廠登高

但可登高卽故鄉也隨遊客上崇岡臨風始覺秋衣薄無
酒偏逢野菊黃北望雲霞常五色南飛鴻雁自重行詩情
卻落葦花裏白雪彌漫翻夕陽

燕臺畱別詩

湯古樹垣張補裳霏

征衫破盡化爲緇錦字何人寄遠思對月羨君雙照樂衝
寒憐我獨歸遲聊師豹隱誠知計敢信鶯遷定有期分手

未須頻嘆息秋風慣是送行時

吳穀人

孤館淒清聽暮砧刀環新夢已秋深
煙雲落日生寒意鈴鐸西風碎客心
爐火漫誇能鍊汞繡牀無那誤拈鍼
同來卻不同歸去鶴自翀霄鳥戀林

趙中敏性一

纔通縞紵論交日又唱驅駒惜別時
但使終年常爛醉何緣兩地解相思
斜陽催去寒蟬急貧橐馱來瘦馬知
回首春明門外路黃塵漠漠柳垂垂

張姚成忍菴

秋風欺客雨霏霏銷盡雄心骨不肥
鞍馬當年同一哭

辛卯

春闈與忍菴同日關梁此日又空歸今歲忍菴捷南宮雷修明史偶看

得凶問遂同奔喪
林外葦花白料到江南稻蟹稀無事與君誇勝處荆妻羸
得浣征衣

胡石樵澄

客中送客更難堪且作聯牀一夜談了不異人君似我未能
能容物北仍南謀生漸入枯魚肆屏跡將營捫蝨菴分袂
片言須記取靈苗毒草莫同籃

衛訥旃德威

今宵且盡杯中物明日征鞍便出郊恠事別離偏我輩傷
心聲價遜娥媯雲山不隔相思夢涕淚何關意氣交湖上
吟壇君憶否何時重與定推敲訥旃往歲南游寓湖上數月與吾鄉能詩諸君子唱

通 酬 殆

梁松垞彥衡

如君才調我傾心，纔賦嚶鳴又輟音。一夕別筵當早菊，幾人秋思入寒砧。固知爪印原無定，偶到魂銷豈自禁。二十四橋舟泊處，主人何事不同吟。

程竹虛玉樹

春風一擊同垂翅，君又南遊我獨還。竹虛將楚馬上夢銷紅葉路，雁邊秋老白雲天。戶庭不出誠非計，籬落相依亦可憐。珍重再來須努力，蓬萊頂上會神仙。

良鄉道中書壁

空逐羣英走上都，耳邊怕聽說遺珠。文章自有新花樣，意

氣終嫌小丈夫，蹇衛一鞭村外路。
濁醪三盞道傍墟，此行久負寒鷗約。
聊詠歸哉樂故吾。

凍蠅

落拓相依去復還，從君指掌乞稍寬。
舊時朋類今何在，半盡清霜一夜寒。

見烹雁有感二首

啣得銛蘆度遠空，一行中斷竹枝弓。
避寒枉作南飛計，不及羈雌守故雄。

繫足空煩寄信歸，破燬無計佐烹肥。
兒童近亦能機事，何處冥冥避弋飛。

濟寧遊南池登太白酒樓懷古

青蓮仙人騎鯉去空餘縹緲飲酒之高樓杜陵野老醉飽
死荒祠寂寞尚枕南池頭南池小水清且瀏昔日蒲菱竟
何有飛樓突兀撐青空寒鴉繞角啼西風二公昔淪落遊
此亦偶爾如鴻爪印雪如月輪映水月落水空鴻去雪融
豈知千秋百世後流傳遺跡天壤中讀公詩惜公遇清平
詞大禮賦豈是平生致君具柰何蹭蹬無縱鱗以額觸關
闈者怒遂令老命託長鏡忍使雄才終廢錮生不登公台
歿當歸蓬萊當年遊覽處焉能無縈懷池漪漪樓峩峩二
公鶴馭應同過書邀賀監召許簿仙娥起舞仙童歌玉簫
金管聲調和泰山作硯供落筆滄海爲醪卷白波天上樂
比人間多我欲從之恐見訶臨風弔古空婆娑

舟中感懷

京國日以遠江鄉日以近寂寞舟中人耽吟不擇韵
暝色帶歸鴉終風占月暈停橈渺何所村遠勞屢問掩篷還對
燈顧影心繭紊決起失榆枋爲陶得龕壘藐茲落拓身毋
乃妻孥靳吾聞冥冥中主張頗斤斤一食有定籍矧敢干
非分寶此白璧姿慎勿泥蠅糞

皂河阻風

石尤風爾何如斷行旅朝復暮十人挽百丈寸進退尺步
持槌柁杙聲丁丁但見黃塵不辨樹風兮休妒應相憐不
見舟中之人衣破麻鞋穿旣不能乘風立致千萬里又不
能搏風直上摩青天徒令守此白頭浪篷底日長如小年

平生慣作客，豈惱歸期愆。只愁橐裏金將盡，破硯殘書不直錢。

舟中初見黃葉

秋陰漠漠壓前邨，瑟瑟寒林鳥踏翻。帶雨別舍搖落態，隔煙時露淺深痕。水邊幾樹獨明眼，風裏一聲時撲門。莫嘆衰容易憔悴，由來晚節最難言。

舟行已五旬矣，屢阻風雨鬱悶無聊，有懷同社諸子，不堪秋思瘦情，惜鎮日徒勞叩劍鐔，入夢江山皆舊識。阻行風雨，竟何心白標影動魚吞餌，黃葉聲來鳥踏林，惆悵往年詩酒伴，幾人憐我倚篷吟。

舟晚

鳴榔投岸語喧豗何處漁舟浩蕩回隨意水聲流月去偶然燈火隔橋來舊愁有緒杯中引新句無題枕上裁寄語故園黃菊道主人歸晚莫先開

丁督護曲

宋彭城內史徐達之爲魯軌所殺督護丁昨埋之其妻每問昨輒曰丁督護好事者遂爲丁督護曲

丁督護吾家內史葬何處去日衣冠血腥汚勞爾封勞爾樹月黑鬼車啼誰是魂歸路空有斷腸千點淚風吹不到墳前去丁督護呼爾我心苦

春遊

丙申

乾風吹宿霧暖日散春寒騎馬欲安適有花隨意看鳥聲

青嶂近草色綠茵寬回首紅樓上婀娜人倚闌

夜過鶯脰湖

揚舲夜過鶯脰湖高浪闌碧搖蘆蒲船頭散髮看月上剪
水一聲飛鷓鴣

清晨入虎邱寺同郭檢討寅作

清晨入寺門人語殊未喧但有寶劍氣誰見白虎蹲老槐
無歲月古塔明朝暎莫上真娘墓恐銷遊子魂

瓜步

渡江方卓午瓜步暫停橈池僻多栽竹城空慣受潮短籬
窺客女深樹咏風颯動我幽居興何年結草寮

舟泊邗江店作枕上成句

病暑還成疢重衣自不禁蕪城今夕月客子故鄉心蟲語
知秋近潮來覺夜深北門朱瑾墓明日共誰尋

楊行密將
朱瑾死瘞

廣陵北門其墓上
土和水服之已瘡

天妃聞訪施蓼懷題草堂二絕

誅茅覆屋剪檐齊曲折蘆簾寫舊題
斗食幾何聊吏隱一杯閒聽午窗雞

河干公退自焚香草色苔痕上小堂
一種閒情向誰寄手栽新竹似人長

嘉祥縣道中曉行

百折危堤永雞鳴迫曉征還憑將墮月
來照倦遊情拂袖草花濕隔林河影明
無人問前路臥聽馬蹄聲

曉過曹縣

驅車過曹縣曙色下城垣塵土猶沾露人家半閉門細風
吹棗落小鳥踏禾翻極目南山遠朝躋望處昏

去蘭陽縣數十里稅駕村墟中苦不得酒

思飲不得飲如失姜與姬相思入骨裏此苦無人知我生
好飲日不闕一月扶頭常半月其餘不飲亦半酣瞪目攤
書坐兀兀家貧有時瓶罍虛鴟夷誰餉寒士廬指口向婦
借簪珥三杯破鼻歡有餘往年落拓客燕市酒價雖高弗
肯止但博驅愁度一宵寧惜傭書苦十指此番入豫真可
憐荒村逆旅無炊煙百錢難買一杯勻空餅坐對徒垂涎
垂涎尚可心作惡燈下形神傷落寞千愁萬慮併疊來此

病從來不可藥攬衣推枕步空庭舉頭落落看酒星汪倫
久化紀叟死何由喚起泉下靈忽傳蘭陽有美酒恨不洽
然御風走脫衣尚足典十千夜起呼燈浣銅斗

大梁贈范原昫溥

抱衣遊大梁僦屋息行李朝訪候生門暮過信陵里古人
已陳跡今人向誰是不意孤寂中忽漫逢范子范子家四
明懷才困文壘自言食破硯親老缺甘旨昂藏六尺身寧
能牖下死孟浪事遠遊薦剡無一紙高門開隆隆自售素
所恥以此三月餘計畫頗無俚我聞此語悲試坐吾語爾
書生例寒餓匪自今日始昔我客都門劬勞負母氏至今
讀蓼莪疾首呼天只春暉不常在風木善比擬但能侍晨

昏何必非菽水鸞鳳棲梧桐鷹鷂利爪背寧與雞鶩羣落
落爭糠粃明且脂君車南還亦伊邇

汴梁懷古四首

魏

安邑俄驚五廟移連天宮觀鬱參差終無險塞關秦蠹空
盜兵符解趙危遊客自尋朱亥里土人誰建魏王祠秋風
落日聞鴻雁却憶當年沼上時

五代

洛陽車駕忽飛升天亂中原五季興血刃宮闈多子禍璽
書皇帝竟兒稱蒼生妄意蚩尤見穢德徒滑汴水澄五十
三年更八姓更誰神器到孫曾

宋

樊樓燈火滿黃昏
威焰無如六賊門
花石幾年成艮岳
鼙鼓一夕失中原
老臣上策空編若
大將奇冤竟覆盆
宮觀紛紛爲延慶
可曾歸得道君魂

周藩

雄藩枉自數開封
流賊猖狂百道攻
水草食空偏不叛
車營演就竟無功
滿船粉黛啼波面
一夜魚龍入殿中
零落憲王諸樂府
汴城誰解唱春風

登上方寺塔

涼吹西風匹馬遊
上方古塔倚清秋
誰如拔地孤標在
曾見中原百戰休
千里烟雲收絕頂
一聲鴻雁正當頭
愁看

不定黃河水日夜搖溶繞郭流

繁臺懷古

來尋牧澤州離離頓擗荒臺認故基
簫管絕音啼鳥在旌旗過眼老槐知
梁太祖嘗閱武於此幾人詞賦留天壤異代登臨其
酒卮咲我獨遊成底事不攜瓢榼不題詩

相國寺

落日照紺碧初遊認寺門名留千載勝金布九重恩
前年請帑

重新清磬聞宵課危碑拂古痕藏經樓下柏相對獨夷蹲

朱亥墓

墓在汴城西南俗呼爲屠兒墓國清明衆屠具酒肴祭之

虎牢瞋目想平生俠骨成灰廢塚平不是屠兒相喚屈誰

攜麥飯作清明

東坡詩大塚屈稱兒

遊艮岳舊址追賦宋事四首

寶籙宮前萬歲山幾年神運始嶮岏至尊不竭東南力頑

石何由拜大官

艮岳役與斷山輦石臨江海不測之淵必百計致之名曰神運大峯偉秀者不特侯

封或賜金帶

教成瑞鳥不相猜也逐牙牌等駕來

艮岳成以市人薛翁參養衆鳥徽宗臨幸

衆禽望而翔集者數萬翁以牙牌奏道左曰萬歲山瑞禽迎駕上大悅

何事君王終北狩竟

無一隻寄書回

貢雲開處濕濛濛

艮岳成令近山多造油絹囊收雲凡臨幸處輒縱焉名曰貢雲一咲當

年用意工多少蒼生望霖雨郤教收入絹囊中

六賊裝成好帝居一聲鼙鼓震皇輿都民莫患樵蘇絕山

上奇材正有餘

朱仙鎮謁岳忠武王廟

方期痛飲黃龍府，金字牌來王氣休。
父老空遮都護馬，朝廷誰斬佞臣頭。
傷心烽火驚陵寢，失策金縉快敵謀。
高誦滿江紅一闕，夕陽荒殿鳥啾啾。

太和縣舟中卽目

幾點寒鴉欲暮天，空林疎處見炊煙。
沙頭寂寞人歸晚，獨自鞭驢上渡船。

鎮日東風約艇遲，半篷斜日照吟詩。
誰家花鴨如相識，拍浮來趁檣枝。

菱川遇峭帆輒大怖戲作布帆謠

不惜布縫作征帆，便飛度不惜繩交橫。
約束勞股肱帆成。

擊鼓衆稽首風乎敬汝一杯酒千里萬里吾所之願風飽
帆無息時舟中貴人惡欹側更莫顛狂使橫力

雨中過壽州

郵籤誰報水程頻三日纔能出壽春不見八公山上樹寒
雲如絮雨如塵

晚次正陽關有懷

千帆爭落水灣環此是南歸第一關估客船多茶稅足市
人喧定酒燈閒星光欲落搖檣末風信初來在樹間回首
汴梁何處是海鷗誰令不同還

戲書菱川遇盜詩後二首

珠松玉撥鳳文鈿盡委東陵亦足憐

菱川宅眷南歸
舟至武清遇盜

若使

先生載圖畫何人妄意米家船

夜半船頭格鬪時痴奴偏捋虎鬚危

蒼頭某爲盜縛弄水中

如何內

翰聲名重不敵當年博士詩

題巾二首

細織春蠶雪色絲皺紋渾似水差差無端浣得泥痕在便
遜從前潔白時

機上成章亦斐然剪刀聲落最堪憐夜來枉負針神號斷
縷何由得再連

水來

水來何滔滔一夕抱村屋主人憐其清遂令穿坎蓄盃以
文瑤石籬以湘江竹澄泓如停膏因之資盥沐臨觀鬚眉

分斟飲氣味馥長揖語隣人莫使俗手掬有客從遠來咲
我空碌碌此水本無源去豈俟信宿今日照君顏明日飲
黃犢我聞此語驚巡視往而復荷鍤培隄防丸泥塞滲漉
豈意一瞬間決坎瀉平陸所至雜泥沙趨下勢益速主人
頓足號收之不盈匊可憐幾許情曾不一我情含悲遙語
水慎勿入溝瀆有意肯回流吾情不減傲

抵六安州與陵川同寓郭外陵川尋下楊州署兼請
余俱余謝弗往明日賦四絕句寄之以速其行

衙鼓鑿鑿報點遲想君正是舉杯時不知破鼻官廚醞可
勝前宵玉練槌

舟馬憐君萬里行却來此地擁寒衾櫻桃一曲真無價又

費先生賣賦金

細雨廉纖潤劍鐔街泥三日沒靴深閉門不怕同螺蚌瘦
影還能伴我吟

風裏搏沙計亦癡壓裝徒贖百篇詩丹楓十里皋亭路已
負登臨載酒期

別濠川先歸武林

盛夏苦炎熱與子遊大梁奄忽迫歲暮先子還故鄉相從
二百日晴雨俱聯牀啣杯別賢聖覓句調宮商或爲唐衢
哭撫膺淚以滂或爲扈蒙咲鼓掌喧空堂君如轆轤劍入
匣韜寒光臧否不掛口平等齊低昂我氣素桀鶩鑿柄乖
圓方酒腸芒角出唾壺敲琅琅唯君能知我謂我醒亦狂

一旦忽分手黯然岐路傍君年過五十鬚鬢悲蒼浪宜就
仁祖食莫受烏奴糧燕山正嚴冷北走凍欲僵豈以垂老
軀甘爲霜雪嘗皖城去吾杭時凌川將赴皖城計程千里強叩門
度除夕何必非空囊嘈嘈妻妾語雁雁兒女行春旛插君
帽爲樂殊未央上馬我先去白草曛斜陽

臯陶墓

陵谷久非昔士師仍此墳滅休悲六蓼護自有風雲玉笥
連吳地蒼梧隔楚氛二陵同萬古何必定爲君

肥水懷古

落日照肥水北風吹浪生下有戰士骨云是苻秦兵當時
旌旗蔽千里攻殺王太邱生執徐元喜投鞭斷江真易耳

忽然膽落八公山始覺南朝非蕞爾阻肥水策萬全却兵
令渡毋乃天朱尚書唱陣後陽平公死陣前可憐鐵騎數
十萬一朝盡向河流填悔不項城坐阿堅石打破來時百
萬兵去時餘幾箇却令千年此水濱白骨化泥血化燐天
陰鬼哭怕煞人

至高郵州河凍斷行旅次日有官舫自南來前十餘
小舟載夫役數十人椎冰而進水程遂通

北風一夜淮水凝舟人早起試擊冰冰堅不破聲登登便
令鼻盪謝不能寒光四逼身凌兢非水非陸住可憎忽聞
喧呶里所外危檣大舫紛旗蓋小舟十許人如麻鐵斧柯
長石椎大斧椎落處玉版開玻瓈片片隨流來打成一條

衣帶水請看十指痛欲死南船過北船歡因人之力忘艱
難陷冰方果能尋得明歲來拋十萬丸

正月十八日積雨初霽高秋崖觀海招飲席上同胡

竹城金篠廬吳穀人潘亞江世鼎朱西崖應登作

丁酉

新正未破庖廚富庭草初乾屋角晴委頓不勝傳座酒貪
饗猶愛解醒羹梅邊星月流精彩門外笙歌沸太平安得
年年長此樂浮名真是羽毛輕

病起探梅西谿

昨夜東風好寒梅發幾枝病唯憑杖健來似與花期籬落
橫斜處溪山寂靜時卻慚無好句唐突漫哦詩

胡竹城蔡柳堂鵬招飲湖舫日午風作

狂飈起何所畫舸亂前汀
掀碎一湖碧卷開千嶂青
大聲疑逼塔盛氣欲危亭
多費主人酒偏吹醉客醒

題巖古緣果山水橫幅

危峯八千尺突兀當大流
雲根插水底龍潭深油油
山風陡落立湖水大聲咄
咄吼獅子皇波呀呷山動
搖疑是神齧翻背起古緣
善畫兼好奇鎚幽鑿險無已
時胸中邱壑付筆底尺幅
縱橫勢千里何當把臂登
此峯大呼雲海盪心胸足
試二分垂在外俯闕仰視
彌從容君果能遊吾肯從

西泠橋蘇小墓三絕

鳥睥斜陽碧草愁
豔名終不庇荒邱
空畱一掬情波在
照

得遊人盡白頭

碧山如畫水無言紅玉煙銷失墓門
柳色春來依舊綠更無招處是芳魂

坏土誰分偽與真

嘉興縣前亦有蘇小小墳

使君重勒墓碑新

時徐觀祭芳園

爲重修立石

回頭一咲林和靖把酒來澆竟幾人

五硯齋詩鈔卷四

仁和 沈亦然 韞山

鴻爪集

題畫荷贈友人納姬

脈脈無言照碧流一莖扶雨乍驚秋
粉紅卸去芳心見多子何曾讓石榴

感懷四絕

初度嘉名枉錫予空齎麥飯拜荒墟
烏雞牛犢尋常物總覺吾身盡不如
雙成去後杳無音冷坐蓬萊看道經
欲倩銀毫傳小像平生悔不學丹青

謀生無術學鴟夷癖性偏於冷淡宜唯有硯田荒不盡便
收蕘稗亦充飢

幾度長安瘦馬馱爭看燒尾躍洪波而今銷盡如虹氣不
敢人前說甲科

霹靂吟

壞雲奔濤日西匿霹靂一聲六合黑鬼狐倒走雞犬潛睚
眦壯士無顏色餘聲散作天鼓鳴鬱律周遭久不息電光
煜煜神靈來百道金蛇洞幽默我方伏几臨黃庭起整衣
冠輟筆墨平生肝膽冷不邪安用碎匄苦相逼請神迴靈
別淑慝

韜光庵觀日出

一線升扶木寥寥失衆星
火珠吞復吐雪浪赤還青
天水黏無縫蛟龍睡定醒
歸來相告語應該俗人聽

觀海圖爲郭濩川題

萬里青銅日月浮長鯨
張齒馬銜游未須橋舌稱
觀止此外猶環大九州
放眼滄溟自足豪天吳舞浪
雪山高誰能喚起任公子手
把長竿釣六鰲

隨計吟六首

戊戌

前年落第喪氣回名
馱不起如死灰今年又下開科詔
聒噪早被家人催家人催心孔
哀無人要陳橘更與誰通財
強顏出門詣親串不須啟口渠
已猜前負未償今又來

三石齋詩集卷之五
二
十家幸得五解囊，匆匆結伴何郎當。居者行者必兩顧，可憐此際殊周章。襤被出門去，老妻走送牽衣裳。此行不售須早返，厨頭但有三月糧。環瑣已盡無可商。

舟行苦期促，陸行苦費多。長途委頓固，不惜斧資過。半將如何飢，不敢食肉渴。不敢飲酒果，腹豈若轆下騾。安得長房青竹杖，飛身直上龍背馱。三千道里一瞬過。

驅車又入春明門，昔時主人無一存。托身逆旅絕來往，冷落不聞車馬喧。量薪數米豈得已，書生氣味亦可原。三條燭盡壯心死，未勞浪擬鵬與鯤。床頭金盡先銷魂。

飛騎四出天街明，榜頭榜尾無吾名。閉門欲哭旋吞聲，破甑在地顧何益。別時言語尤心繫，脫衣付質庫所幸餘。寒

輕獨騎蹇衛出京國郵亭夜宿星庚庚何來醉尉呵吾行
半載別鄉里依然席帽歸羞與親故見愁臥出入稀室人
不敢苦交謫但悔昔時勸駕非彈毫既不潤舐墨焉能肥
蘇季歸來誰可依索逋之客又款扉

同陳給諫鴻寶施侍御學濂吳編修穀人金博士兆
燕潘孝廉銓遊法源寺分韻得從字

禪關閉法炬老柏蟠蒼龍春風吹我來散此塵外蹤長廊
榜戒約高座鏗華鐘不知五百僧誰合南北宗參軍寶塔
頌筆力能藏鋒摩挲費手爪那得蘊椎供舍利不可見高
幢鑄芙蓉疑有五色光照我空明胸坐久發歸思落日橫
西峰還遲海棠放更以詩相從

下第二首

一第如魚上竹竿許棠空想覓還丹文章不救妻兒餓蹄
轍徒銷歲月寬擁被泣來真氣短寄書歸去覺詞難故園
負盡親朋意多少青年已得官

空夸意氣久凌雲老驥偏淹冀北羣自合數奇同李廣敢
云顏厚媿劉蕡湖隄回首虛三月髭髮欺人白一分從此
芋魁真不羨生涯麩友與桐君

哭陸孝廉之煥二首

自入金蘭簿忘形忽九秋如何經歲別便令此生休遺恨
悲春榜長埋痛黑頭傾觴歸未得南望涕橫流

冷落烏衣巷

孝廉爲大司馬宗楷仲子

徒懷競爽望夢傳逢大厲

相傳孝廉

爲大司馬擇葬地誤購明代葛侍郎廢塚
遂靈見家中禱謝不獲瘍生於腦而殂
食遽盡羣羊肝

臂君奚化人琴我暗傷空餘兒輩好雁雁始成行

文信國公琴歌

琴藏閩中何氏上刻公詩云松風一榻雨蕭蕭萬里
封疆太寂寥獨坐瑤琴遣世慮君恩猶恐壯懷消後
題云時景炎元年蒙恩遣問召入夜宿青原寺感懷
之作譜於琴中識之余所見者梁斯儀上國持來拓
本也因爲作歌

開城上壘三宮北浮海逃歸畱報國益王繼統手勅來慷
慨猶思展頽力道出青原寺風雨四山黑壯懷寫入小詩
中篋裏琴弦能譜得一彈兮風裂幃再鼓兮淚沾臆中有

三才圖會卷之四
四
迴山轉海心那許山僧推戶識捷雩都潰潮陽臣力竭矣
臣心盡三年乞得柴市刀衣帶書畱數行墨公之神歸太
虛公之琴後人匿山河破碎枯桐完不共銅駝委荆棘料
得金徽玉軫間猶染當年血淚色廣陵散絕更誰彈挂壁
無聲七絃直

贈歌者

生小嬌憨我亦憐琵琶一曲聽當筵莫嫌淡漠尊前過風
裏搏沙那得圓

中秋後三日攜小女草堂待月

孤燈光自淡待月坐西軒稚女嬌依膝含情默不言秋心
在蟲砌花氣隔隣園漸看銀蟾上庭柯影拂垣

庭中木犀盛開移籐床露臥其下誦南華經

移得籐床臥看天木犀花底小神仙不知月影穿窗去高誦南華第一篇

花外空明透月光浸階人影十分香此間妙趣尋誰共只有王孫啼短牆

南屏山訪心公不遇

偶爾脫塵縛南屏訪小顛

心公又號小顛

空眠對山榻看起出林

烟秋色眞如畫重遊已隔年徘徊下山去落日趨歸船

重九後一日同屠鶴林胡竹城過南屏心公小飲分

賦以東坡庭下黃花一醉同句平字爲韻得花字

陰雨破佳節

昨日小雨

今朝興尚賒無錢特蠲跪乞酒到僧家

古塔醉於我

雷峰塔昔人比之醉翁

短籬秋在花
叩壺歌纂纂歸路

日初斜

草堂

草堂無客至
盡日掩雙扉
同里曷云遠
足音終自稀
坐憐庭木侍
仰看塞鴻飛
直欲親猿鶴
移家住翠微

方飯

方飯聞米貴
投箸起嘆息
呼妻視餅盆
還坐但默默
無知兒女小
索肉方啾唧
嗔喝固不忍
含怒漸見色
東家足穀翁
困廩高嶷嶷
居奇有勝算
三倍利坐得
西隣紈袴兒
朽貫富赤仄
藿肉復漿酒
平生字不識
我乃抱詩書
漫云代稼穡
豐年不免飢
況遭歉歲逼
既無留侯方
空書魯公帖

明年當舍去短衣事釣弋烹鳧煮河魚與爾共恣食

冬夜聽雨

長夜眠聽雨誰憐歲暮情檐低無重滴木禿減愁聲潤逼殘燈暗寒生敗絮輕農家齊望雪何不釀飛雲

朱西崖金篠廬夜集東榮草堂小酌復與西崖圍棋夜分始去約明日城南觀梅

有客來貧飲愁中亦頗宜斷蘂侵齒冷薄酒到臍遲燈暗應知雨棋危不問時明朝看花約須快沈家脾

喜晴

己亥

被底輕寒逼瘦肌側眠閑思起偏遲朝陽一線穿簾入小圃花開到幾枝

自明州別馮百史宓忽五年矣隨其尊父觀察公官
閩官豫章官金陵舟蹄萬里音問寂如今年夏將就
甥館閩中道過武林數蒙惠顧且索詩爲贈漫成二
絕句送之

却憶臨行索贈詩

前在明州與百史別時亦索詩爲贈

五年真似一炊時重

來相顧還相笑君未雄飛我伏雌

雙騎紅鳳下秦樓料得仙人許狀頭回首金陵白雲外舞
衣閒却已清秋

中秋雨甚庭桂盡落

宵來雨脚亂如麻落盡中庭幾樹花微有古香流硯席却
教生意委泥沙誰家自唱綠頭鴨何處往尋金背蟆殘粟

滿階須拾取小餅鹽漉佐烹茶

桂菜用鹽漉貯磁
瓶中點茶絕佳

冬夜舟中不寐有感

小艇欹眠夢不安一天霜氣透篷寒遙聞犬吠知村近漸
覺月明應夜闌身世自憐雙鬢改生涯無那一裘單何時
得似天隨子浪迹江湖手釣竿

坐雪

坐雪誰憐乏酒錢閉門空自聳詩肩天教一樹梅花在可
勝圍爐拍甕邊

雪橋

繞階兒女笑成團斧鑿無須頃刻完突起瓊田流水斷高
橫銀海臥龍蟠洛如微步應無迹司馬題名定怯寒安得

滕神爲防護堅牢畱向暑中看、

在平逆旅題壁二首

庚子

誰能動作賈胡畱無定眞如不繫舟身賤頗堪兼僕隸性
疎安用謁公侯旗亭草色關心夢櫪馬鈴聲入耳愁莫道
帶圍仍似昔紛紛白刺漸盈頭

春寒惻惻透衣重漸見韶光潑眼濃兩載無詩及桃李昨
宵有夢入雲峰浪遊定是前身馬難畫偏逢合口龍歌板
酒尊豪興盡燈前唱煞許冬冬

指迷圖爲楊苻田巖題

連山陡起高插天空濛一片唯雲烟隻身出門向何處牽
衣借問亦可憐請君舉頭日方午林外丁丁響樵斧蹠穿

莫惜放膽行當道何曾有豺虎古來失路多豪雄崎嶇歷
盡還四通阮公空自號狂達涕洟乃與兒女同我亦年來
昧南北未肯雄心甘面壁與君飛步過前山一笑回頭看
所歷

都門清明

何曾客裏知佳節見插楊枝始憶家未有官銜邀賜火已
輪朋輩試新茶澆山學拜憐兒小脫帽頻搔感鬢華記得
去年方坐雨一尊閒對繡毬花

漢長樂宮瓦歌爲桂未谷馥題

一劍逐秦鹿馬上竟得之關中天府國來建萬世基宮成
號長樂繡栢承瑯楣覆以魚鱗瓦瓦頭文參差曰漢并天

下倔強盤蛟螭功成忌侈大母乃情見詞吾謂陽少府中
頗寓深思天命不常集安居易忘危烏知咸陽火不復乘
炬隨俾見瓦頭字常念馬上時兢業守神器鐘鼎誰能移
美哉朝會日濟濟觀朝儀英風張海甸雲氣騰華棖文景
克堂構武皇有洪規豈意昭宣後乾綱日陵夷恩寵遍外
戚禍水生蛾眉弄臣大司馬公卿縮首龜坐看新都篡一
朝九廟隳更始義兵集避火漸臺池宮殿半灰燼惟見青
烟吹此瓦獨無恙千載藏者誰吾既爲瓦幸亦復爲瓦悲
昔覆皇居壯今作篋裏私天下久易姓瓦全徒爾爲

聖駕五幸江浙恭紀十首

萬里山河久晏如

至尊宵旰總猶初武功不數殲銅馬文治寧徒校石渠德化
同天知道久恩膏如雨入人徐

翠華昔日巡行地父老年年望屬車

南土謳思十五年又聞時邁各歡然自勤觀省爲休助豈
好登臨故往還吉卜上春仙衛發恩隆前度

玉音宣由來瑤圃稱神駿爭似

王遊則古先

一簇鸞旂映日明扶輪虎旅不聞聲承恩小草迎雕輦洒
道清風轉翠旌遙望岱宗雲五色緩過齊甸畝千橫壺漿
空費黎蒸意

法駕何曾擾庶氓

羣神拱翼百靈呵，翔鳳千艘緩棹過。
黃帝兩龍重入夢，唐堯五老再遊河。
自循刻玉披圖典，甚陋秋風瓠子歌。
最喜汴梁聞下捷，金隄從此不揚波。
時豫省河工告厥

清淮南下卽刊溝，畫鷁浮江看豫遊。
鐵甕城池眞險固，金山草木自新柔。
微風不作平如練，春漲初添綠似油。
兩岬歡聲呼

萬歲新承恩澤共波流

東南繇富最姑蘇，總賴承平

帝澤數畊市，何嘗聞吏擾。
駢羅已見擁龍趨，遙山草樹迎鞭鐙。
平水旌旂接觸艫，自是

君王勤省問，豈因名勝攬三吳。

清蹕傳呼入武林

鑿輿重荷五番臨湖山不改當年色父老彌傾此月心
恩綸邀曠典更揮

宸翰發新吟試觀仙仗頻行處鳥識

天顏亦好音

海昌瀕海獨當衝車駕來觀海若從久慶神功誇鞏固又
勞

睿鑒早彌縫金隄但令長安堵寶鏹何妨費大農從此萬民
高枕臥不愁潮汐勢洶洶

不教儲峙擾農民天庾裝錢遍從臣俯卹高年優粟帛妙
掄英俊入絲綸蠲租最是貧中福赦青聊施法外仁只有

笑嘖偏不假由來賞罰總如神

法

祖周巡邁古王不勞封禪考前章太平便是眞祥瑞至治誰能
更表揚鸞軫難畱俄轉翠葵心雖遠總傾陽何時洗眼春
光裏又覩

天儀拜路傍

京畿陰雨匝月歸期已數易矣詩以誌悶

時垂雨亦撓歸興陡漲京南十尺波龍背向誰尋竹杖仙
槎空羨泛銀河飄零客意當秋甚細瑣鄉情入夢多一笑
去年輕命駕只今生計竟如何

題翁學士方綱臨錢舜舉林處士西湖吟趨圖用東

坡韻

飛塵不到孤山麓一片湖光浸寒淥就中處士神仙姿皎皎
皎靈臺湛冰玉因緣天遣在梅花但覺紛紛桃李俗含毫
覓句聊自怡遲速何須教刻燭眼前妙趣本無窮但寫吾
心真趣足賣梅計日食有餘此腹誰能果梁肉自從羽化
六百秋宋事淒涼滿遺錄先生坏土獨巋然石磴苔青短
垣曲春來花發滿空山疑有吟聲出修竹雀背歸來誰共
談西隣處士曾傳菊

翁覃谿學士復慕和靖秋涼三君二札索題仍用東坡韻

疎籬矮屋依蒼麓仰看山光俯湖淥市塵頓隔卽蓬瀛爾

音不苟如金玉當時從公遊者誰三君八郎總殊俗花邊

陪飲春酣酣秋夜同遊月燭燭橘租菱角手書來橘租菱角皆書

中事野老常談數行足只許珍藏比鴨頭豈肯相將換羊肉

散落天涯不計年風燈過眼爭傳錄覃谿學士募得之神

妙真能到屈曲山中梅鶴一無存此帖獨未隨爨竹煩公

為我臨一通要用終南墨色菊澄懷錄終南五老洞碑記墨菊其色如墨古用其汁

書字

憶謳者二首

琵琶斜抱出簾帷聲價當筵壓雪兒最是夜深紅燭底春

風十指看調絲

彩霞吹散悄聞庭往事難尋夢昨醒新曲教成常子夜卻

畱唱與老僮聽

附舟還南臥病匝月偶見月光入帷枕上口占

同舟無素識不藥得中醫渴易嫌茶少飢差與粥宜羊腸
愁逾結雞骨瘦難支只有多情月時時影透帷

七夕

銀漢無聲疊鵲翎浩然風露客橈停年年此夕偏爲客不
忍推篷看二星

重九病中

今朝幸喜無風雨門外登高盡若狂獨有病夫支枕臥藥
爐看火過重陽

哭嚴古緣孝廉

鐵骨君真健

古緣勇於登臨常
謂吾身有鐵骨

如何一病休想嫌塵世擾

要向海山遊書畫高風在

古緣書畫皆
辨香李檀園

鬚眉小影畱故人

香一炷淚綆不能收

雨宿濟寧城外題壁二絕

辛丑

任城郭外停車處風榻寒檠夜不眠
舊日南池詩在否重來雙鬢已蒼然

城頭突兀酒樓高小雨空濛細似毛
欲借百杯澆塊壘何人能有賀公豪

見放鷓鴣者有感

拍拍爭看沒水時一竿波面上船遲
得魚又被探喉取盡日浮沈却爲誰

涿州逆旅遇胡孝廉霖世能相人謂余此行當得外
任戲賦一絕

皮相何如骨相難漫勞慧眼靜中看我無食肉封侯志願
領頭銜是冷官

五峰吟翠圖爲王醉蘭顯晉題

五峰山頭千挺竹拂石捎雲聲簌簌相傳舊是神仙居一
局棋終幾寒燠仙人已去深山空但有修篁滿林谷王君
何年卜居此妙境宜畊復宜讀風枝雨葉不可描月下烟
中總娛目朝朝助子發清吟况掘貓頭味勝肉北來此物
頗希少惟向巾箱出橫幅青青藿藿欲搖風畫得閒身坐
幽獨漫持此圖索我詩我亦思歸歸未卜牆東舊種數十

竿旣掃何曾煩婢僕一從春夢滯京華誰報平安爲往復
何時同賦歸去來扁舟訪君畱信宿擎杯屬句對風篠粉
籜裁冠玉芽熟

寄題藍禮南杏花春雨圖

小雨闌干外繡花竹石中未須催羯鼓大可坐春風動我
江南夢看君上苑紅題詩兼問訊尊酒幾時同

送宗弟廷儷落第還里

客中無骨肉相親吾與汝一旦念故鄉歸興不可阻送君
蘆溝橋贈君唯粗糲胸中千萬言分手轉無語黃塵馬蹄
生帽脰迷處所回車望都門中心益淒楚晚來對孤影有
酒不能舉屈指計征程抵家方溽暑登堂拜嚴君出戶揖

朋侶可念未歸人獨與僮僕處
如君還憶君今夜宿何許
拜杜文貞公遺像

卜築浣花谿功名右拾遺
許身同稷契無路竝臯夔
露肘朝天日長鏡托命時
傷心拜遺像太瘦不關詩

五硯齋詩鈔卷五

仁和 沈赤然 韞山

瘁臞集

試吏畿輔寄吳穀人編修

辛丑

春闈七報罷曠典邀一官策馬出京國學製歲月寬平生
踈懶骨到此愁拘攣詩書束高閣恐增氣味酸羨子登瀛
早清班弄柔翰文章冠儕偶名譽芳荃蘭憶昔同研席共
期青雲端一旦墮泥滓高下難提攀借問庾鮑輩何如恭
茂難

爲遵化州刺史靳先生榮藩題深柳讀書圖

世人懶誦讀書手未觸寫影入生綃偏喜持卷軸點綴

非不工何解氣味俗誰似綠溪翁先生號綠谿翁便便五經腹種
績惜三餘蒐獵富七錄卽今典大州公案無畱牘治行本
經術那復聞怨謫偶然憶舊廬短紙寫溪屋柳颺送荷香
一編坐幽獨仕宦三十年此爲真面目

再題前圖

文壇老宿詩中虎少壯從官鬢已斑栗鶴廿年清望重丹
鉛終日冷衙閒圖間衫履覘初服溪上亭臺憶故山只恐
吏民爭借寇攀轅不放使君還

寄楊苻田王醉蘭都門

聚首不知樂離方感索居相思三百里問訊一雙魚燈下
療貧字窗前引睡書未須嫌計拙視我竟何如

買芍藥數枝插瓶中有感

結萼聯葩竟屬誰擔頭分得兩三枝
休呼小字生憎別但殿餘春未覺遲
醉粉燈前悲幻影狂香風裏動歸思
不知此日揚州市何似豐臺走馬時

旅舍岑寂百感紛來偶有所憶輒記以詩得十八首
憶先塋

玉泉寺側經行地墓草離離不可還
聞道兒曹初解事一杯清酒學澆山

憶亡室殯宮

瘞玉難謀地一弓年年壺榼拜東風
而今寒食無人作只有西山對殯宮

三石齋集卷之三
二
憶內

七科不得泥金捷且喜

朝廷有曠恩器使尙應須大府鄉思空自擾羈魂廚頭脫
粟支三月門外新通索幾番莫怪空函無所寄客囊羞澁
更難言

憶穎兒

平時獐劣常遭怒學吃蕘胡態幾般今日膝前空念汝唯
憑兩字報平安

憶長女

七年與汝相依少聞說新來解憶親待月草堂曾記否木
樨花下夜無人

憶幼女

齡髻初學繞牀行棗栗堆盤漸解爭生小不知人作客閒
來應有喚爺聲

憶姊

祝融苦嫠婦家具百無一扶病葺新巢勃篲生隘室昔我
在家時調恤尚乏術况茲南北違何以慰貧疾相迎或有
時來否不敢必

憶妹

吾妹得佳壻勤儉能起家琴瑟亦靜好兩姑無汝瑕以此
雖遠別兄免失所嗟何時復相過飽啖春盤蝦余嗜蝦每過妹食必

爲設
此品

憶內弟陳蕙谿琳

共以貧爲病唯君不我疵
惘瘳如一體酬報定何時
夢繞仙潭水愁哦客邸詩
聚星堂後榻往事最堪思

憶同社諸友人

去歲貧兼病諸君數見過
涸偏能响濕門竟不張羅
雪舫扶頭酒燈街踏臂歌
此遊如昨日歸夢隔江河

憶朱生應旭

送我河干揖曾無一紙書
贈言初未久近學定何如
夜課同寒榻貧食有病蔬
此情吾每念爾可慨離居

憶金生玉階

爾已長於我童心可漸回
莫爲蕘稗熟須作杞楠材
貧豈

妨披讀交宜慎往來片帆如可借函丈許追陪

憶郎生永清

鬼躁無如爾天真頗可人四年同里社一旦絕鴻鱗成事
須居肆懷安總悞身往時餘論在何用更求津

憶金生成楷

憐爾家多難尋師竟未能銅盤無重肉紙閣有青燈言大
終難踐心雄貴有恒臨流何所羨莫更拗空罍

憶西湖

我家去湖不里許城市蓬瀛天錫子杖頭但挂百文錢范
水模山任容與況當夏日更清絕竹裏精藍不知暑微風
落日茜蒼香衣袂生涼足軒舉就中差苦碧筩飲扶醉歸

來遭評語今年此役雖可免咫尺湖山頓修阻無聊閑展
畫圖看記得由來泊舟所望湖亭下賣菱船麴院門前采
蓮女此時此景最堪思何處何年呼故侶昨宵曾向夢中
遊烟水茫茫行踽踽

憶庭桂

每到花時不解貧瓊條金粟坐閑身只今開落都無主但
有香風送四隣

憶筍

吾杭品味誰爲最鞭筍初抽雪色芽輸與兒童飽饒吻玉
尖香嫩煮梅蝦

憶菱芰

平生嗜菱眞成癖熟食生餐我竝能記得陂塘香滿滿醞
紅新剝闊腰菱

偶成二絕

宵來風雨渾無賴先送新涼到客衾一枕湖山好清夢六
橋荷柳正秋深

貧橐還能幾日支西江迢遞水來遲也知止酒爲先務奈
我黃昏獨坐時

郭梅崖兆麒出松下啣杯圖索題爲賦四韻

蠻觸爭何益貧愁老易侵但教杯在手那得事關心妙契
托松菊放懷空古今新來妝束改對此幾沈吟

梅崖時亦
試吏畿輔

題聽松圖二絕

寒聲不住捲空際時與幽人吹酒醒
記得萬松山下路夕陽歸步我曾聽

此中只合居張湛誰許紅塵汗脚來
風浪滿空亭子晚前山雙鶴未招回

張桓侯故里

侯家隣帝里遺井道傍傳躍馬持矛去
遊魂汚血還防雖踈范達氣早奪孫權
熊虎真無命何須更問天

書陳孝廉華祝遊草後三首

拈來好句總珠穿彩筆真從夢裏傳
誰說客囊羞澁久壓裝詩更重於錢

我亦萍蓬二十秋雪中鞭鐙雨中舟
天公豈是艱遊子詩

料須從個裏收

半年塵俗笑難醫秋蚓能吟已負時

余著有蚓吟小草

未敢與君

誇敵手春風聽唱酒樓詩

雨後宿藁城縣逆旅夜起題壁

誰家門戶清閑甚帶水拖泥此駐車一枕新涼眠不得起
持殘燭照秋花

九月十六日晚宿古北口同郭梅崖作

合沓羣峯裏淙淙澗水奔太平無戍卒扼要有關門白草
寒山夕黃茅小屋溫溫言鞍馬倦來與盡清尊

古北口望月同梅崖作

皓魄吐東嶺驚禽去復還鄉心千里共極目兩人閑古樹

藏高堞寒風落衆山綿裘偏耐冷送月下邊關

古北口迎

變恭紀

關口六龍飛

君王秋獮歸西風吹

輦輅曉色上

旌旂弱質蒙初植

天顏喜不違若非供灑掃何處得瞻依

井陘逆旅初見瓶中杏花感而有作

壬寅

文章不得力簪汝終無因又令看花眼辜負年年春偶來
井陘宿瓶杏誰所陳如遇故人面不厭晤對親往時六橋

路繁枝開湖濔尙嫌看不足倚樹攀鮮新亂插帽簷側拍
手譁途人一枝詎足異物以罕見珍無由能活汝把酒酬
花神

宿井陘縣城外聽溪聲題壁

黃塵白日可憐春誰遣茆庵寄倦身一枕溪聲喧不住今
宵清夢是閒人

馬上口號

欸段驂騮自不同看人逸足去如風何勞苦用鞭絲促行
到前山日未中

春日縱筆

門外鶯花報十分閑臨官道數遊人歸來試問春何似仍

是家家屋裏春

田光故里

更無奇策報秦仇
長跼徒煩太傅謀
不特先生空刎頸
荆卿又借別人頭

次韻宋心田元感懷

休從眼底問升沈
且盡清宵酒盞深
蠻觸鬪來緣許事
風旛動處總由心
方流水自呈藏玉
大冶人終惡躍金
豈肯爲貧踈筆硯
元蟬不食也長吟

山城不眠

山城無好酒味薄
甘如飴試酌難成
醉不眠空所思簷
鈴風小觸窗紙月
斜移起探溪桃信
宵來發幾枝

登井陘縣凌霄塔絕頂

躡盡層梯最上頭，細心著腳不須愁。
恆山北走連天聳，綿水西來繞郭流。
鳥下平沙偏狎犬，人回遠渡獨鞭牛。
從容莫遽言歸去，春色須從絕頂收。

獲鹿縣逆旅觀弈棋

客舍誰消遣，丁丁落子聲。
讓人聊自固，無隙莫橫行。
每以貪遭敗，偏從死得生。
局終同一笑，於此悟人情。

溪石

本是山頭石，何年墜水邊。
力輕多轉側，稜盡易光圓。
大小徒紛若，青黃亦粲然。
攻瑕如可取，我欲載俱還。

白髮

五夜夢言集卷五
八
蝸牛角上苦相爭白髮新來又數莖花底鏡中聊一笑枕
邊馬上任潛生文章累汝真無謂筋力猶人敢自輕隨地
立名吾輩事黑頭曾見幾公卿

女兒篇

女兒生貧家婉婉從母嫂初鍼任補綴擅腕事灑掃綺羅
非所求茶盞頗能擣每聞隣女愁捧腹時絕倒一朝嫁富
婿簫鼓迎孔道春來復秋去不覺奪素抱釵裙鬪新奇七
箸薄蠶麤日高春睡濃猶憎烏啼早阿母語女兒奈何素
染卓阿嫂語小姑不似在家好只愁隣女知笑爾莫瞋惱
于役都門遊法源寺觀海棠卽乞馮孝廉桂芬寫生
我來偏似與花期攢簇猩紅正滿枝千里塵衿都洗淨一

春好事未嫌遲檐頭幽語燕歸後樓上午鐘僧飯時徒倚
閑堦不歸去煩君點筆寫仙姿

爲劉叅軍念拔題車里從軍圖

劉公五十鬢髮蒼豪氣全涌誰敢當作詩必作驚人句論
事侃侃鬚眉張相逢最惜納交晚無由見子疇曩強手持
此圖出示我靴袴上馬意激昂擇肉命處好弓躬腰間寶
劍騰寒光蠻烟蜚雨不能損鳴鞭奏凱詩滿囊至今遷轉
已十載鶴料探支浮宦海朱顏雖覺遜圖中只有雄心老
不改棘叢暫屈鳳鸞栖利器終爲盤錯待他年更作撫字
圖畱與人間想風采

旅懷

三石齋詩集卷五
九
休逢北客說江南我負湖山大可慙花錦何年栽滿縣鶯
簧無地聽攜柑杯中滋味貧猶辦馬上生涯健尚堪却喜
膝前兒女在風光時作故園談

再題郭梅崖松下啣杯圖

園林秋盡酒腸寬松影婆娑菊未殘晚節後凋都有意未
容竟作酒徒看

妾薄命

十三女兒顏如花蛾眉淡掃羞鉛華回看姊妹盡嫖母攬
鏡未敢人前誇城中大家擇佳婦媒妁不到空咨嗟春花
秋月等閒度不覺坐令芳年加東鄰有女初破瓜魚軒簾
鼓儼副珈西鄰有女禿無髮懷中已抱兒哇哇家貧女大

養難久與人作妾憑阿爺阿爺朝許暮梳洗揮涕出門扶
上車上堂低頭拜夫婿蛾眉一隊笑語譁爭妍妬寵各意
態鳴箏按笛聲嘔啞新人朴素不如故郎面雖邇郎心遐
調羹治解苦十指嫁衣破盡無繒紗下階拜月月不語舉
首問天天路賒早知委棄同蕪葭悔不老死爺娘家

徐香岩士俊過訪見余署門有朋友甚少酒價甚昂
之語歸卽招飲蓮花池同集者甯時齋習劉叔雅禮
鄭緝亭臨孫蕉石麗京席上成句

榜門真是語無聊不意勞君折柬招選地却教賓作主時

緝亭方寓蓮
花池故云

卜時何害晝連宵池塘花氣細侵座風露鶴

聲遙過橋莫便醅醕誇大戶只愁上項誤明朝次日甯時
齋招飲

劉侑樓權廣昌令寄詩索和次韻答之

遂城無計畱侯霸

箇樓去年先權安肅令

山邑旋迎召父軒秋竹老

來惟勁節春風生處遍蓬門橫琴自足觀民化游刃何須
嘆事敦爲政舊聞期月可漫嫌坐席不曾溫

自笑中年鬢早絲功名如駕土牛遲聽人共說長官好羨
子能爲衆母慈活水繞城盤巨馬春山當屋走童麋無由
襍被高衙坐茗椀香爐細和詩

水閣坐看月上

清宵雲淨湧冰盤水閣光明露坐看玉柱倒垂三百尺一
溪春淥靜無瀾

爲雄縣徐明府琰題小照三絕

指點圖中憶舊遊
酒瓢詩卷共茶甌
山光一片清如洗
正是江南雨後秋

十載從官鬢漸斑
湖山時有夢飛還
熙朝那許耽泉石
不羨先生畫裏閒

高衙一樣秋光好
只少當年物外心
但得長官清似水
蕭然琴鶴卽山林

周閒園治中奉檄出山海關搜訪古碑刻因作出塞圖屬題

渝關九月朔風饕
塞馬凌兢擁罽袍
率土一家無內外
荒碑十指費爬搔
山頭落日羊羣下
天際秋聲雁陣高
聞道錦囊詩句滿
駢駢誰信使臣勞

宛轉歌

癸卯

酒未乾樓頭更已聞寒星三五照鞍馬殘燈明滅餘杯盤
歌宛轉宛轉聲破空願爲蟣與蝨在子懷袖中

閱滏陽河堤折杏花一枝歸插瓶內

溪上經年別重逢滏水邊萍蹤偏不定花貌總如前出爾
風塵苦隨吾几案緣須知主人意耐久勒春妍

早行大名道中

曉露初收盡蒼涼日未高村喧人趁集林語鳥求曹但覺
早行適都忘遙役勞從容頻總駕衆綠望東臯

重過平鄉縣

偶記頻行地重來既去官兒童攀幔笑父老肅容觀到處

禾麻好新來雨露寬所期秋大稔預爲爾民歡

南樂縣禱雨作

禾稼新來苦旱乾行田歸去幾曾安火雲未必爲霖易省井其如借潤難十日庖厨斷屠宰一壇鐘鼓禮更闌長官無術鞭龍起只就庭前柱礎看

雨後郊行

一宵膏澤足原由豈特先占麥有年喜雨漫勞亭小築扶犁早見犢爭鞭纖塵不動春袍淨楚逕初乾細馬便慙媿農民遠相迓老夫無力敢貪天

九日登南樂譙樓次韻方秋穀春疇二首

無復波光與翠嵐登樓何物足幽探四圍廢堞啼鴉晚一

片秋聲遣雁南佳味斫螯空羨兩縱懷斟酌雅竟能三座中
誰是題餽手拂紙爭看醉筆酣

難尋勝地強登樓眼界寬來意少留木葉蕭疎平野濶礎
聲高急滿城秋漫誇異地聯吾輩欲賦新詩感舊遊緩步
下梯拚一醉並無風雨月當頭

四硯歌

齋中四硯皆端溪良田天與寒士犁大者割紫雲小者截
岳璞虛心懷墨膩若礪一爲石帆老人物已先硯壞令我
心悲悽一爲買自乞兒手清濱主人銘款無從稽其餘兩
硯續購得雕琢雖古無篆題我自有四硯南北常提携養
以漆匣非瑤璃墨但取細不必潘與奚情至則咏興到則

書年年費盡千赫蹠汲泉洗滌日四五家人笑我習勞如
灌畦我聞硯譜首推紅絲石又聞唐人第一稱澄泥馬肝
雖眼各有取鳳咮龍尾徒交詆紛紛議論竟誰是一言解
之安用觴主人用硯果不媿常石亦與金星齊若教流落
俗兒手銅雀栗岡皆等夷嗚呼四硯入我室爾有三災今
幾兮

順天秋榜發後有懷里中同學諸子

諸公盡是掄元手底事朱衣客點頭潦倒近應增白髮相
思况又值清秋天涯嶰菊何年共舊日歌吟一束畱莫羨
鄙人官味好放衙肯說被黃紬

望都縣堯母祠古槐一株殆千餘年物相傳枯後有

鳳來止其上數日因復榮茂故土人至今呼爲鳳凰

架云

傳聞此樹枯經歲鳴鳳飛來又發枝不信朽株延異鳥祇
緣瑞應表靈祠盤根匝地看奇古密葉參天想羽儀引領
重霄望丹穴只今應是再來時

寒夜早起

夢回被底生陽春百骸和暢四體伸世間樂事那過此忽
聞道上車駘駘與人早駕指星斗僮僕敲門燈在手幾回
推枕又蒙頭誰爲勾畱不教走披衣強起髮鬢鬢衝寒無
計傾酒甌重裘氈帽尚如此路上行人無襖子

冬日城南小獵

藜藜銜鼓早小隊出郊圻殘月曉猶在寒塵凍不飛犬獐
持兔力鷹飽得禽稀却喜跑空馬嘶風未肯歸

題馮海粟畫梅

我與梅花有舊盟梅花應怪別離輕憑君貌出橫斜態無
限雲階月地情